

**VENDIM**  
**Nr.249, datë 31.3.2011**

**PËR RISHPËRNDARJE FONDESH NË BUXHETIN E VITIT 2011, MIRATUAR PËR  
MINISTRINË E EKONOMISË, TREGTISË DHE ENERGJETIKËS**

Në mbështetje të nenit 100 të Kushtetutës, të nenit 44 të ligjit nr.9936, datë 26.6.2008 “Për menaxhimin e sistemit buxhetor në Republikën e Shqipërisë”, dhe të ligjit nr.10 355, datë 27.11.2010 “Për buxhetin e vitit 2011”, me propozimin e Ministrit të Ekonomisë, Tregtisë dhe Energjetikës, Këshilli i Ministrave

**VENDOSI:**

1. Në buxhetin e miratuar për Ministrinë e Ekonomisë, Tregtisë dhe Energjetikës, për vitin 2011, në programin “Mbështetje për mbikëqyrjen e tregut, infrastrukturën e cilësisë dhe pronësinë industriale”, në zërin “Shpenzime korente”, të shtohet fondi prej 7 000 000 (shtatë milionë) lekësh, i ndarë përkatësisht: 5 000 000 (pesë milionë) lekë për Drejtorinë e Përgjithshme të Metrologjisë, në zërin “Shpenzime korente” dhe 2 000 000 (dy milionë) lekë për Drejtorinë e Përgjithshme të Markave dhe Patentave, si fond limit në zërin “Shpenzime korente” me burim financimi nga të ardhurat.

2. Kjo shumë të përballohet nga pakësimet e fondeve në programin “Mbështetje për burimet natyrore”, nga Shërbimi Gjeologjik Shqiptar, në zërin “Shpenzime për pagat” me burim financimi nga të ardhurat.

3. Ngarkohen Ministria e Ekonomisë, Tregtisë dhe Energjetikës dhe Ministria e Financave për zbatimin e këtij vendimi dhe për nxjerrjen e udhëzimit të përbashkët për përdorimin e të ardhurave që siguron Drejtoria e Përgjithshme e Patentave dhe Markave, sipas vendimit nr.883, datë 13.5.2009 të Këshillit të Ministrave “Për miratimin e tarifave, për regjistrimin e objekteve të pronësisë industriale”.

Ky vendim hyn në fuqi pas botimit në Fletoren Zyrtare.

**KRYEMINISTRI**  
**Sali Berisha**